



En il terz da mez ha Piranha Cuira giugà cun persuasiun.



Ina rotscha fans da Piranha Cuira han guardà il giu en l'arena a Kloten.



Unihockey da grond kino en il superfinal.



Seraina Ulber sa legra dal 4:1 per Piranha Cuira.



Simbolic: Suentar la terrada eran las mattas da Piranha Cuira per terra.



Cumenzà ha il superfinal cun l'imni svizzer.

FOTOS G. N. STGIER/SWISS UNIHOCKEY

Unihockey da la classa superiura

Unihockey: Superfinal da las dunnas

DA GION NUTEGN STGIER / ANR

■ Ina terrada dolorusa per Piranha Cuira cunter Kloten-Dietlikon Jets en il superfinal dad unihockey. Suentar ina ferma prestaziun en il terz da mez eran las Grischunas sin la meglra via da gudagnar il giu. En la qualificaziun aveva Piranha Cuira be pers ina partida, uschia che cunter Kloten-Dietlikon Jets eran las unihockeyanas grischunas las favoritas en il superfinal da sonda passada en la Swiss Arena. A la fin da la partida, cun il resultat da 5:4 a favur da las Turtigaisas è sa resultà in déjà-vu per Piranha Cuira. Gia en il final da la Cuppa svizra han las Grischunas pers cunter Kloten-Dietlikon Jets e quai cun 4:2. Remarcabel è ch'en quel giu manava Piranha Cuira cun 2:0 ed a la fin tuttina gi da bandunar il plaz cun ina terrada. Er sonda passada eran las Grischunas suentar 50 minutas en avantatg cun 4:1 ed a la fin finala pers la partida cun 5:4 suentar prolungaziun.

In ferm terz da mez

Las emprimas 20 minutas dal superfinal èn stadas gulivadas. Fatg l'unic gol ha Kloten-Dietlikon Jets suentar trais minutas. La pussaivladad da far il pari ha lura gi *Alexandra Schmeiler* en la 16avla minuta. Suentar la pausa han lura las Grischunas mussà lur classa e marcà gist trais gols tar il resultat intermediar da 3:1 suentar 40 minutas. En la 49avla minuta ha Piranha Cuira tratg il 4:1 e la partida pareva dad esser decidida. Quai è na stà il cas cun las Turtigaisas anc far trais gols en paucas minutas, uschia ch'igl è vegnì tar ina prolungaziun. Ina minuta avant la fin

Patrick Ulber (a san.) e Christian Ulber, il frar ed il bab da Seraina Ulber.



da quella ha lura Kloten-Dietlikon Jets marcà il gol da 5:4 en quel giu cun unihockey da la classa superiura.

Bleras larmas

Suentar che Piranha Cuira ha pers il superfinal a moda drammatica eran las unihockeyanas grischunas bain dischillusiunadas. Cumplettaimain trista era er *Seraina Ulber*, la capitana da Piranha Cuira. Ella ha strusch chattà plects per la prestaziun da ses team a partir da la 49avla minuta fin a la fin dal superfinal. Ina giada dapli saja na reussi a Piranha Cuira da defender in avantatg cunter l'equipa turtigaisa. Insaco eran nus sco bloccadas, punctuescha Ulber. Suentar il giu hai lura dà bleras larmas tar las mattas da Piranha Cuira che vulevan simplamain d'entantar per la 8avla giada campionesas svizas dad unihockey.

Nus eran fitg nervusas

Ella nachatta bunamain nagins plects, ha menziunà *Flurina Marti*, ella ch'è vegnida elegida sunter il final sco la pli ferma giugadura da Piranha Cuira. Nus eran

fitg nervusas, vitiers avain nus na pli giugà in pass precis e laschè a nossas adversarias bler memia blera libertad. Ditg auter avain nus suentar 50 minutas ed il resultat da 4:1 chalà da giugar.

Piranha Cuira – Kloten-Dietlikon Jets 4:5 suentar prolungaziun (0:1, 3:0, 1:3, 0:1)

Swiss Arena, Kloten. 5239 aspectatur. Arbiters: Christian Crivelli, Davide Rampoldi. Goals: 3. M. Wiki (A. Gämperli) 0:1. 21. C. Rüttimann (L. Danuser) 1:1. 23. S. Buchli (C. Rensch) 2:1. 33. F. Marti (A. Schneller) 3:1. 49. K. Zwinggi (C. Rüttimann) 4:1. 51. M. Wiki (N. Martinakova) 4:2. 52. I. Gerig (N. Martinakova) 4:3. 58. E. Frisk (M. Wiki) 4:4. 69. J. Suter 4:5. Chastids: 1 giada 2 minutas cunter Piranha Cuira. 2 giadas 2 minutas cunter Kloten-Dietlikon Jets.

Cuira: Mürger, Waldenburger; Danuser, Marti, Gredig, Rensch, Nieminen, Rossier, Cotti Luisa, Cotti Catrina, Rüttimann, Ulber, Capatt, Aanerud, Zwinggi, Dellagiovanna, Rensch, Schneller, Scheidegger, Ediz, Buchli, Putzi. Jets: Schmid, Buchs, Tschudin; Bürgi, Bengtsson, Klapitova, Luck, Bühler, Zwissler, Rieder, Gämperli, Suter, Wiki, Stella, Frisk, Pedrazzoli, Martinakova, Gerig, Frei, Achermann, Metzger, Wohlhauser.



Ina culissa magnifica tar il superfinal en la Swiss Arena.